

## REGLUGERÐ

### um breyting á reglugerð um slátrun, mat og meðferð sláturafurða, sbr. breytingu með reglugerð nr. 341/1981.

1. gr.

19. gr., 1. og 2. töluliður orðist svo:

#### 1. Dilkakjöt.

Dilkakjöt sem selja á innanlands nýtt, fryst, saltað og reykt eða flytja skal á erlendan markað skal metið í eftirfarandi gæðaflokka: I. fl. +, I. fl., II. fl., II. fl.O, III. fl.

Kjötið skal metið og merkt í gæðaflokka og þyngdarflokka um leið og það er vigtað inn frá framleiðanda.

Gæðaflokkar dilkakjöts eru þessir:

**I. flokkur** \* (stjörnudilkur): Sérlega vel vaxnir skrokkar með greinilegum ræktunar-einkennum, vel holdfylltir, einkum í lærum og á baki, hæfilega feitir og með jafnri dreifingu hvítrar fitu um allan skrokkinn. Fituþykkt á síðu, þ. e. á 12. rifbeini, 11 cm frá miðjum hrygg, sé að hámarki 8 mm. Fituþykkt á bakvöðva (við 12. rifbein) sé að hámarki 3 mm. Skrokkar gallalausir í útliti. Þessir skrokkar skulu sérstaklega merktir \*.

**I. flokkur:** Vel holdfylltir skrokkar með fituþykkt á síðu, þ. e. á 12. rifbeini, 11 cm frá miðjum hrygg, minni en 12 mm, gallalausir í útliti.

**II. flokkur:** Vöðvarýrir, útlitsljótir skrokkar og með minni háttar mar eða aðra verkunargalla.

**II. flokkur O:** Skrokkar sem hafa fituþykkt á síðu yfir 12 mm, einnig skrokkar með blóðlitaðri fitu eða fitu sem ekki stirðnar. Þessir skrokkar skulu sérstaklega merktir O, sbr. meðfylgjandi töflu. Merkingu þessara skrokka skal hagað þannig að þeim verði ekki blandað saman við annað kjöt í heildsölu.

**III. flokkur:** Mjög vöðvarýrir og magrir skrokkar, verulega marðir, limhögnir eða með verulegum verkunargöllum.

Merkja skal dilkakjöt samkvæmt gæða- og þyngdarflokkum svo sem hér segir:

<b>I. flokkur*.</b> Vel holdfyllt læri og bak. Hvít fituhula	Að 12,5 kg.	13—16 kg	16,5—19 kg	19,5—22,5 kg	23 kg og þyngri
	DI *6	DI *2	DI *8	DI *4	
<b>I. flokkur.</b> Vel holdfylltir, miðlungsfita, galla- lausir í útliti	DI 6	DI 2	DI 8	DI 4	DI T
<b>II. flokkur.</b> Sæmilega holdfylltir, lítill fita, gallalítillir	DII 6×	DII 2×	DII 8×	DII 4×	DII T×
<b>II. flokkur O.</b> Holdgóðir skrokkar, mikil fita og/eða fita sem ekki stirðnar	DII O 6	DII O 2	DII O 8	DII O 4	DII O T
<b>III. flokkur.</b> Allir holdrýrir, fitu- lítillir, marðir, gallaðir eða með mjög gula fitu	DIII 6××	DIII 2××	DIII 8××	DIII 4××	DIII T ××

Þar sem skylt er að miða við 100 gr þungamun, skulu kjötmatsmenn gæta þess að hækka eða lækka í flokkum þannig t. d., að 12,7 kg skrokkur merkist í þyngdarflokkinn 6 en 12,8 kg í þyngdarflokkinn 2. Sé kjötið vigtað blautt skulu mörkin vera 300 gr hærri (2% af þyngd).

## 2. Annað kindakjöt.

Gæðaflokkar annars kindakjöts eru þessir:

- a. Kjöt af veturgömlu geldfé, gimbrum og geldingum skal merkja VI, ef skrokkarnir eru holdmiklir og falletir í útliti og vega minnst 18 kg. Aðra skrokka skal meta og merkja í ær- og hrútaflokkum eftir holdum og útliti. Veturgamla hrúta skal merkja VII séu þeir vöðvafylltir og holdgóðir. Til þess að kjöt af veturgömlum hrútum sé metið í VII skal þeim slátrað ekki seinna en 10. október, ella fari þeir í hrútaflokkum eftir gæðum.
- b. Kjöt af sauðum tveggja og þriggja vetra skal merkja SI ef skrokkarnir eru vel holdfylltir og hæfilega feitir, en rýrari eða óhæfilega feita sauðaskrokka skal meta og merkja í ærflokkum eftir gæðum og útliti. Kjöt af hrútum, geltum að vori, þrevetrum og yngri, metist sem af sauðum væri.
- c. Kjöt af geldum ám tveggja og þriggja vetra skal merkja GI, ef skrokkarnir eru vel holdfylltir og vel útlítandi. Skrokka af eldri ám og þeim sem missa lömb sín að vorinu og ganga lamblausar yfir sumarið skal merkja GII ef holdfylling er góð. Rýra skrokka og skrokka sem eru mjög feitir, af geldum ám, skal meta og merkja í ærflokkum eftir gæðum og útliti.
- d. Kjöt af mylkum ám skal merkja Æ I, ef skrokkarnir eru holdgóðir og líta vel út, Æ II séu þeir sámilega holdgóðir og ekki útlitsljótir, en Æ III alla rýra skrokka og ljóta í útliti. Kjöt af holdgóðum, mylkum ám, þriggja vetra og yngri, fallett í útliti, má merkja Æ I Z. Sérstaklega skal vanda til Æ I og Æ II til útflutnings, varðandi heilbrigði og útlit kjötsins. Rýrt geldfé frá flokkunum V, S og G, sem merkt hefur verið í ærflokk, skal ekki sent á erlendan markað.
- e. Kjöt af fullorðnum hrútum skal meta í tvo gæðaflokka, H I og H II. Í H I skal meta vöðvafyllta og vel útlítandi skrokka, hafi hrútarnir verið geltir að vori eða slátrað ekki síðar en 10. október. Í H II skal meta rýra og/eða útlitsljóta skrokka af hrútum, sem slátrað er ekki síðar en 10. október og allt kjöt af hrútum sem slátrað er eftir þann tíma. Ennfremur skal meta í þennan flokk skrokka af lambhrútum, sem slátrað er 1. nóvember eða síðar.

Heimilt er landbúnaðarráðherra að ákveða sérstaka merkingu á dillakjöti, sem fer á erlendan markað, eftir þeim reglum og venjum sem gilda í viðkomandi landi. Slíkar reglur séu þó jafnan gerðar í samráði við seljanda kjötsins og kjötmatsformann.

Útflytjendum á breskan markað heimilast að merkja dillakjöt í fyrsta gæða flokki með merkimiðum, sem á er prentað: PRIME ICELANDIC LAMB.

2. gr.

Reglugerð þessi, sem sett er samkvæmt heimild í lögum nr. 30 28. apríl 1966, um meðferð, skoðun og mat á sláturafurðum, öðlast þegar gildi.

*Landbúnaðarráðuneytið, 15. júlí 1986.*

**Jón Helgason.**

*Jón Höskuldsson.*